

# Francesca Maria

La mane chè tù partisti  
Manu à la gendarmaria  
T'abbracciasti à lu mio collu  
La mio Francesca Maria  
Or chì no ghjunsimu à què ne  
Mai più nun la cridia

O s'eo era un acellucciu  
Puru un'acula marina  
Ne vulia vene à truvà ti  
In Calvi luni matina  
Per datti l'ultimu Addiu  
La mio stella matuttina

Pregà vogliu la Madonna  
Ch'ellu sia calmu lu mare  
Chì in la to traversata  
Ùn ci sia nunda à penare  
La mio Francesca Maria  
Parti credu di crepare !

Quand'è tù ne scalerai  
In la cità di Tulone  
Manderai un biglittinu  
E cose cum'elle sò ne  
Nun ti scurdà di Ghjuvanni  
U to frisgiatu pavone

T'anu da chjode in cunventu  
Cum'è una sora pentita  
L'ai da passà custì ne  
La tò ghjuventù fiurita  
La mio Francesca Maria  
Turmentu di la mio vita.

*Tradiziunale*

*Anghjula Potentini*